

« 09 » 08 2018թ.
N 40-Ձ

« 09 » 08 2018թ.
N 194-Ն

ՀԱՄԱՏԵՂ ՀՐԱՄԱՆ

Կառավարական քաղաքային և միջքաղաքային հեռախոսակապի ծառայություններ մատուցելու մասին

Ազգային անվտանգության ծառայությունը և Հանրապետության նախագահի աշխատակազմը, ի կատարումն Կառավարության 2011թ. սեպտեմբերի 22-ի N1500-ՆԳ որոշման, ղեկավարվելով «Ազգային անվտանգության մարմինների մասին» ՀՀ օրենքի 26-րդ հոդվածով և ՀՀ Կառավարության 2018թ. հունիսի 15-ի N706-Ն որոշմամբ հաստատված «Բյուջեների կատարման» կարգի 38-րդ կետի պահանջներով՝ Հանրապետության նախագահի աշխատակազմին կառավարական քաղաքային և միջքաղաքային հեռախոսակապով ապահովելու և սպասարկելու նպատակով՝

ՀՐԱՄԱՅՈՒՄ ԵՆՔ

1. Ազգային անվտանգության ծառայությունը Հանրապետության նախագահի աշխատակազմին մատուցում է կառավարական քաղաքային և միջքաղաքային հեռախոսակապի ծառայություններ (այսուհետ՝ «Ծառայություններ»), իսկ Հանրապետության նախագահի աշխատակազմը վճարում է այդ Ծառայությունների դիմաց՝ սույն համատեղ հրամանով սահմանված կարգով:
2. Սույն համատեղ հրամանով նախատեսված պահանջները տարածվում են կողմերի միջև 2018թ. հունիսի 1-ից ծագած հարաբերությունների նկատմամբ:

3. ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆԸ ԱՊԱՀՈՎՈՒՄ Է.

- 1) Ծառայությունների որակյալ, անխափան մատուցումը և սույն համատեղ հրամանով նախատեսված պարտավորությունների կատարումը,
- 2) Կապի միջոցների անխափան աշխատանքը և վնասվածքների ժամանակին վերացումը,
- 3) Հանրապետության նախագահի աշխատակազմում տեղադրված կապի միջոցների և բաժանորդային գծի անվտանգությունն ապահովող հատուկ միջոցառումներ՝ գաղտնի տեղեկատվության արտահոսքը կանխելու նպատակով,
- 4) Կառավարական կապի միջոցների տեղադրումը, վերատեղադրումը և ծառայությունների մատուցումն ու դրանց հետ կապված աշխատանքների կատարումը՝ Հանրապետության նախագահի աշխատակազմի կողմից վճարման պարտավորության մասին գրավոր հայտ ներկայացնելուց հետո,
- 5) Կառավարական քաղաքային և միջքաղաքային հեռախոսակապի անջատումը, եթե Հանրապետության նախագահի աշխատակազմը չի կատարում Ծառայությունների դիմաց բաժանորդային վճարումը՝ ըստ սույն համատեղ հրամանի 4-րդ կետի 4) ենթակետի:

4. ՀԱՆՐԱՊԵՏՈՒԹՅԱՆ ՆԱԽԱԳԱՀԻ ԱՇԽԱՏԱԿԱԶՄԸ ԱՊԱՀՈՎՈՒՄ Է.

- 1) Ազգային անվտանգության ծառայության կապի հանգույցից մինչև իր աշխատասենյակներն առանձին մալուխային գծի շարքից դուրս գալու դեպքում վերանորոգման աշխատանքների ծախսերը՝ ըստ կառավարական կապի միջոցների շահագործման հատուկ պահանջների,
- 2) Կառավարական կապի միջոցների շահագործման հատուկ պահանջների կատարումը և այն աշխատասենյակների պահպանումը, որտեղ տեղադրված են այդ միջոցները,
- 3) Իր մոտ տեղադրված կապի միջոցների պահպանումը,

№	Տեղադրման վայրը	Կառավարական քաղաքային կապ	Ընդամենը
1.	Հանրապետության նախագահի աշխատակազմի ղեկավար	1 x 225 000	225 000
2.	Հանրապետության նախագահի աշխատակազմի արարողակարգի վարչության պետ	1 x 225 000	225 000
3.	կապի անվտանգությունն ապահովող հատուկ ծառայություններ	2x 100 000	200 000
	ընդամենը տարեկան վարձը		650 000
Վեց հարյուր հիսուն հազար դրամ			

- 4) Բաժանորդային վճարումների փոխանցումը Ազգային անվտանգության ծառայության հաշվարկային հաշվին՝ ոչ ուշ, քան եռամսյակը մեկ: Վճարումները կատարվում են ՀՀ դրամով,
 - 5) Իր մոտ տեղադրված հատուկ կապի միջոցների վերադարձը Ազգային անվտանգության ծառայությանը՝ տեխնիկապես սարքին վիճակում՝ Ծառայության մատուցումների վերջնական դադարեցումից անմիջապես հետո,
 - 6) Ազգային անվտանգության ծառայությանը պատկանող կապի միջոցների արժեքի փոխհատուցումը՝ ըստ կազմված համապատասխան ակտի, եթե դրանք կորստի են մատնվել իր մեղքով:
5. Ուժը կորցրած ճանաչել Ազգային անվտանգության ծառայության և Հանրապետության նախագահի աշխատակազմի 2017թ. նոյեմբերի 1-ի «Կառավարական քաղաքային և միջքաղաքային հեռախոսակապի ծառայություններ մատուցելու մասին» N52-Ս համատեղ հրամանը:

Ազգային անվտանգության ծառայության տնօրեն




Ա. Վանեցյան

ք. Երևան, Նալբանդյան 104
ՀՀ Ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
h/h 90001830101
հվհհ 01507079



Հանրապետության նախագահի աշխատակազմի ղեկավարի ժամանակավոր պաշտոնակատար




Է. Տարսյան

ք. Երևան, Մաշտոցի պողոտա 47
ՀՀ Ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
h/h 900011204089
հվհհ 00006505



Կառավարական կապի և տեղեկատվության վարչություն _____ հեռախոս 1-99



ՀՀ Ազգային անվտանգության ծառայություն
Կառավարական կապի և տեղեկատվության վարչություն
Ելից № 12/2 00 09 08/18թ.